

## Ĉielo kaj Tero: mistero

Thomas

Nancy'o; FRA 1906

Signatur: 701902-B

Barcode: +Z122977008

Zitierlink: <http://data.onb.ac.at/rep/10045F6E>

Umfang: Bild 1 - 68

---

### Nutzungsbedingungen

Die Österreichische Nationalbibliothek macht an diesen Inhalten kein eigenes urheberrechtliches Verwertungsrecht geltend. Sie erklärt sich insofern auch mit einer Nachnutzung dieser Inhalte in der abrufbaren Qualität ausdrücklich einverstanden. Dies gilt auch für die Verwendung dieser Inhalte in Online-Foren, Blogs und in Social-Media-Kanälen wie Facebook, Instagram, Pinterest etc.. Unabhängig davon sind allenfalls bestehende Rechte Dritter an den Inhalten vor jeglicher Nachnutzung vom Verwender individuell zu klären.

Bei einer Nutzung unserer Inhalte ersuchen wir um die Angabe eines Bildnachweises (Titel, Datierung und weitere verfügbare Beschreibungen) und um eine Quellenangabe (Zitierlink aus [Portal] und der Verweis "[Portal]/Österreichische Nationalbibliothek"). Für Postings auf Facebook oder Instagram ersuchen wir um Verlinkung des entsprechenden Accounts der Österreichischen Nationalbibliothek.



ÖSTERREICHISCHE  
NATIONALBIBLIOTHEK

701902 B

• Esp-









ÖNB



+Z122977008







ÖSTERREICHISCHE  
NATIONALBIBLIOTHEK

701902-B

# Ĉielo kaj Tero

(The Heaven and the Earth)

MISTERO DE LORD BYRON



Esperantigis Doktoro Noël



NANCY'O

ESP. PRESEJO E. THOMAS, EN MALZEVILLO

—  
1906







A mia haa maydo Haj amiko Th. Curt

Sustone Isaj Souke

Shay.



Cielo kaj Tero

de J. J. L.

En la ĉelo de la ĉielo

de la ĉelo de la ĉelo

de la ĉelo de la ĉelo

de la ĉelo de la ĉelo

de la ĉelo de la ĉelo

de la ĉelo de la ĉelo

de la ĉelo de la ĉelo

de la ĉelo de la ĉelo

de la ĉelo de la ĉelo

de la ĉelo de la ĉelo

de la ĉelo de la ĉelo



# Ĉielo kaj Tero

(The Heaven and the Earth)

MISTERO DE LORD BYRON



Esperantigis Doktoro Noël



NANCY'O

ESP. PRESEJO E. THOMAS, EN MALZEVILLO

—  
1906

701902-B



AL MIA AMIKO

INGENIERO FRÉCOT

La sindona propagandisto por Esperanto

Tiun ĉi tradukon, nur modestan  
floreton en la brila krono de Esperanto,

Tutkore dediĉis

D<sup>ro</sup> NOEL.

Nancy'o, Aŭgusto 1905.

## PROZODIAJ MONTROJ

---

La signo - montras silabon longan.

La signo u montras silabon mallongan.

u - estas Iambo.

- u Troĥeo.

u - u Amfibrako.

u u - Anapesto.

- u u Daktilo.

Komo , disigas la piedojn.

Cifereto, superkuŝanta post piedo, montras nombron da ripetoj de la sama piedo.

Ĉiu ŝanĝo en la ritmo estas montrita antaŭ la komenco de l'verso.

---



## PERSONOJ

---

Angeloj : SAMIASO.

AZAZIELO.

Ĉefangelo RAFAELO.

Viroj : NOO.

Filoj de Noo : ĴAFETO.

SEMĈJO.

IRDO.

Virinoj : ANĴO.

AHOLIBAMO (AHO).

UNU PATRINO.

UNU VIRINO.

Ĥoroj : SPIRITOJ DE LA TERO.

MORTEMULOJ.

La agado havas lokon en ĉirkaŭaĵo de Monto Araro.

— Lando kun arbaroj kaj montoj — Noktigas.

---



## SCENO I.

ANJO, AHOLIBAMO.

ANJO.

u -<sup>3</sup>, u    La patro dormas! Jen momento kiam  
Kutimas niaj du amantoj al ni  
Alflugi tra nebuloj, kiuj kronas  
La supron de Araro! Kiel batas  
En brusto mia koro!

AHO.

u -<sup>4</sup>, u    Nian preĝon  
Komencu ni!

ANJO.

Ankoraŭ steloj  
Ne brilas! Ho, mi tremas!

AHO.

u -<sup>5</sup>, u    Ankaŭ  
Mi tremas; sed pro tim', ke ili  
Malfruos!...

ANJO.

Kvankam mi, fratin', pli amas  
Azazielon ol... ha!... Tro!... Ve, kion  
Mi volis diri!... Koro malpiigas!...

AHO.

Ĉu malpieco ami Ĉielanojn?...



ANJO.

Mi malpli amas, Aho, nian Dion,  
De l'tempo kiam amas min Anĝelo !...  
Nebona certe tio !... Kaj mi, kvankam  
Senkulpa, timas pro l'estonta tempo ! ..

AHO.

Kuniĝu do kun ia Tera filo,  
Laboru pene; vin Ĵafeto amas  
De longe; edziniĝu fine kun li,  
Kaj nasku idojn je polvaĵa korpo !...

ANJO.

Azazielon mi ne malpli amus  
Se estus li mortema ; sed mi ĝojas,  
Ke li ne estas tia. Mi ne povas  
Postvivi lin ! Je penso, ke senmortaj  
Flugiloj liaj haltos sur la tombo  
De Tera junulino, kiun li jam  
Amegis, kiel li mem La Plejsupran  
Amegas..., al mi, Morto ŝajnas malpli  
Terura !... Tamen, mi kompatas pri li !  
Ĉagreno lia daŭros dum centjaroj !  
Doloro mia daŭrus ja senfine  
Se estus mi Serafo, kaj li homo !...

AHO.

Pli prave diru, ke sur Ter', filinon  
Alian li elektos, kaj li mem ŝin  
Amegos, kiel li jam vin amegis !...

ANJO.

Se estus tiel... Se ŝi ankaŭ amus  
Lin kiel mi... ĉi tion mi preferus  
Ol vidi lin senĉese plori pri mi !



AHO.

Se mi ekpensus, ke min Samiaso  
Forgesos, kvankam li Serafo, mi lin  
Forĵetus !... Sed nun horo !... Ni alpreĝu !...

ANJO.

o - o<sup>4</sup>

Serafo ! Min aŭdu de l'Supra Sidejo !  
En kiu ajn astro vi brilas, ĉu gardas  
Kun sep ĉefangeloj ĉielajn senfinojn,  
Ĉu flugas per fajrajflugiloj tra mondoj,  
Tra spacoj senlimaj... memoru virinon  
De kiu vi estas amata ! Ŝi estas  
Nenio kompare kun via grandeco !  
Sed kredu, ke por ŝi, vi estas nun ĉio !  
Ne scias vi la maldolĉecon de larmoj !  
Mi sola ĝin konu ! Vi estas senmorta.  
Ĉiela beleco de viaj radiaj  
Okuloj neniam pereos ! Vi povas  
Samideaniĝi kun mi nur per l'Amo !  
Kaj diru ĉu jam Teranino, pli ame,  
Pli dolĉe, sopiris pri vi, sub Ĉielo !  
Traflugas vi mondojn sennombrajn, vi vidas  
Vizaĝon de Tiu kreinta vin, kiel  
Li faris min unu el lastaj kreitoj  
De ras' el Edeno pelita ! Vi tamen,  
Amata Serafo, min aŭdu ; vi amis  
Min ! Morti ne volus mi antaŭ ol scii  
Pri tio nur, kion mi scios post morto :  
Ke vi ne memoras plu, en Eterneco,  
Pri tiu de kiu eĉ Morto ne povis  
Forigi amegon al vi ! Ho senmorta  
Potenco ! Grandega ja estas amego  
De ĉiuj estaĵoj amantaj en peko ;  
Kaj, malgraŭ hontinda ribelo de l'timo  
En mia animo, pardonu pro tiaj  
Pensadoj filinon Adaman ! Travivas



Ni en malĝojego ! Kaj por ni, Feliĉo...  
Nur estas Eden'... malproksima celaĵo,  
Al kiu ni tamen sopiras en sonĝoj !...  
Sed horo ĵus venis, en kiu vi montras,  
Ke estas ni ne forlasitaj !... Aperu  
Ho Azazielo Ĉiela ! Kaj lasu  
La stelojn radii per propraj radioj !

AHO.

Kaj vi, Samiaso ! El kia ajn loko  
De Mondoĵ sur kiuj vi estras... ĉu vi nun  
Batalas Spiritojn ribelajn al Tiu  
Venkinta per forto sur ĉiuj Potencoj...  
Ĉu vi revojigas vagantan steleton  
Tuj ekperdiĝontan en Profundegaĵo,  
Kaj kies loĝantoj, per fino de vivo,  
Elportas la saman Fatalon malĝojan  
De l'polvo vivanta sur nia Terglobo,  
(Ĝi, kiel ilia, al mort' kondamnita !)  
Ĉu vi, kun mezgloraj keruboj, bonvolas  
Kantadi kun ili... Mi vokas, atendas,  
Kaj amas vin !... Estas kreaĵoj de kiuj  
Vi preĝojn ricevas, sed mi vin ne preĝas !  
Se via spirito al mi vin instigas,  
Alvenu, ni kune samsorton elportu !  
Sed kvankam mi estas el polv' eltirita,  
Kaj vi, el radioj pli brilaj ol tiuj  
De l'tag' al Eden' lumiganta, ne povos  
Senmorta vi, mian amegon rebati  
Per amo pli forta ol mia ! Mi sentas  
En mia animo fajrecon venintan  
De via radio... de Dia radio !  
Sed nun mi ne povas ĝin klare briligi !  
Ĝi eble ankoraŭ restados malluma ;  
Ĉar Mort' kaj malbonoj ĝin antaŭirantaj,  
Jen la heredaĵoj de Ev' la patrino !



Sed mia animo maltimas je ili !  
Jes, vivo forflugos ! Sed ĉu ni disiĝos ?  
Vi estas senmorta... mi estas, ja, tia !...  
Mi sentas, mi sentas en mi Senmortecon !  
Ĝi venkas dolorojn, kaj larmojn, kaj tempon,  
Kaj timojn... ĝi laŭte ripetas kun vero :  
« Vi ĉiam vivados ! » — Sed ĉu en feliĉo ?  
Mi tion ne scias, kaj scii ne volas !  
Ĝi estas sekreto de la Ĉiopova !  
Li kaŝas la fontojn de l'Bon', de l'Malbono,  
Li tamen ne povas detrui nin, nek vin,  
Nek min ! Li nin ŝanĝos, sed ne neniigos !  
Ni, kiel Li, estas el fonto eterna !  
Se Li nin ekbatos, ni devas rebati !  
Kun vi, mi elportos doloron senfinan,  
Ĉar amis vi mian morteman ekziston !  
Ĉu, ĉar vi senmorta, mi de vi forkurus ?  
Ne ! Eĉ se serpento min pikus tra brusto !  
Eĉ se vi mem estus simila je tiu  
Serpento, kaj viaj volvaĵoj min ligus ;  
Mi tiam dolĉridus sen ia malbeno :  
Mi vin alpremadus per premo ne malpli  
Amega !... Sed venu, akceptu sindonon  
De ino mortema al vir' senmortema !  
Se al vi Ĉielo pli da feliĉeco  
Prezentas ol povas vi doni kaj ankaŭ  
Ricevi ĉe mi... en Ĉielo nur restu !...

ANJO.

o -<sup>5</sup>, o      Fratin' ! Fratin', mi vidas ilin flugi  
Al ni, kaj fulmi tra l'aer' malluma !

AHO.

Flugiloj nubojn pelas for, kaj ŝajnas  
Alporti la krepuskon de l' mateno !



ANJO.

Se nia paĉjo vidus tiun lumon ?...

AHO.

Li kredus, ke ĝi estas Luno, kies  
Leviĝon ĵus sorĉisto plifruigis !

ANJO.

Jen ili !... Jen li !... Jen Azazielo !...

AHO.

Ni tuj alkuru al renkont' de ili !  
Ha ! Seflugilojn havus mi por flugi  
Al brust' de Samiaso !

ANJO.

Vidu, ili  
Heligis tutan Okcidenton, kvazaŭ  
La Suno kuŝiĝanta iris reen !  
Sur lasta supro de Araro, vidu,  
Lumegas brila fasko milkolora,  
Postsigno de ilia traflugado !  
Sed vidu, jam la nokto refariĝis !  
Leviatana ŝaŭmo tiel ŝprucas  
El mar' senfunda, kiam monstro ludas  
Sur la supraĵo de trankvilaj ondoj !  
Sed tiu ŝaŭmo baldaŭ malaperas,  
De kiam enakviĝis ree monstro  
Ĝis fund' mistera de profundegaĵo !

AHO.

Jen ili tuŝis teron ! Samiaso !...

ANJO.

Azazielo mia !...

*(Ili foriras.)*

SCENO II.

IRDO, ĴAFETO.

IRDO.

Ne sopiru  
Plu ! Kial tiel vagi ? Por aldoni  
Silenton vian al silent' de nokto !  
Por plori !... Por rigardi astrojn, kiuj  
Nenian helpon povas al vi doni !...

ĴAFETO.

Sed ili min konsolas ! Eble ŝi, nun,  
Rigardas ilin en samtempo kiel  
Mi !.... Ŝajnas, ke kreaĵo bela estas  
Pli bela per rigardo al belaĵoj  
Similaj je ĝi, kaj precipe tiuj  
Objektoj je belec' ĉiama !... Anjo !

IRDO.

Sed ŝi ne amas vin !

ĴAFETO.

Ve !

IRDO.

Kaj fieraj  
Aholibamo ankaŭ min malŝatas !

ĴAFETO.

Kompatas mi kun vi !

IRDO.

Ŝi gardu sian  
Fieregecon ! Same, mi elportas  
Malŝaton ŝian ! Eble Temp' min venĝos !



ĴAFETO.

Ĉu povas tia pens' alporti ĝojon?

IRDO.

Nek ĝojon, nek ĉagrenon! Mi ŝin amis!...  
Mi estus pli aminta ŝin, se estus  
Ŝi reŝuldinta min!... Nu!... jam nun, mi ŝin  
Forlasas al pli bela sorto, se ŝi  
Preferas tion!

ĴAFETO.

Kia sorto?

IRDO.

Ial,  
Mi kredas, ke ŝi amas nun alian!

ĴAFETO.

Ĉu Anjo?

IRDO.

Ne, fratino ŝia!

ĴAFETO.

Alian?

Kiun

IRDO.

Tion mi ne scias! Sed ŝi  
Per manieroj pli ol per paroloj  
Min igas kredi, ke ŝi amas iun!

ĴAFETO.

Ne tia estas Anjo... ĉar ŝi amas  
Nur Dion sian!

IRDO.

Ĉu Lin, ĉu alian!  
Ne vin! Do, por vi, kia gajno?

ĴAFETO.

Vere,

Nenia ! Sed mi amas !

IRDO.

Kaj mi amis !

ĴAFETO.

Kaj kiam vi ne amas plu, aŭ kredas,  
Ke vi ne amas plu... ĉu vi feliĉa  
Pli estas ?

IRDO.

Jes !

ĴAFETO.

Ve al vi !

IRDO.

Al mi ? kial ?

ĴAFETO.

Feliĉa esti, kvankam ne havanta  
Ci tion, kio faras min feliĉa !

IRDO.

Per tia diro, vi nur montras al mi  
Malbonon de eraro via ! kaj mi  
Ne volus pensi kiel vi, eĉ se pli  
Da mono mi ricevus ol produktus  
Vendado de ŝafar' de nia patro,  
Kompense kun ĉi tiu monmetalo  
Per kiu idoj de Kaino volas  
Nin logi ; kvazaŭ tiu polvo flava  
Kaj senutila, tera elĵetaĵo,  
Kompensi povus lakton, lanon, fruktojn  
De valoj niaj, de ŝafaroj niaj !.  
Ĵafeto, iru, plendu antaŭ steloj !...  
Bojadas ankaŭ lupoj antaŭ luno !...  
Mi iras reen... prenos mi ripozon !



ĴAFETO.

Se mi ripozi povus, mi vin sekvus !

IRDO.

Ĉu vi ne venas al tendaro nia ?

ĴAFETO.

Ne, Irdo !.. Mi aliras al ĉi tiu  
Kaverno, kies kavoj, oni diras,  
Ebligas vojon al subtera mondo,  
Irejon por eliro de Spiritoj  
Loĝantaj tie, kiam ili venas  
Vagadi sur supraĵo de la Tero.

IRDO.

Por kion fari vi aliras tien ?

ĴAFETO.

u - u<sup>4</sup> Mi kaŝos akrecon de mia malĝojo  
En mez' de mallumo ne malpli malĝoja !...  
Espero forflugis el tie !... kaj el mi !...

IRDO.

Sed tiu ĉi loko... danĝera ! kaj strangaj  
Aperoj kaj bruoj ĝin faris terura ?  
Kun vi mi kuniros !

ĴAFETO.

Ne, Irdo, min kredu !  
Nenion malbonan mi pensas... Nenion  
Mi timas !

IRDO.

Malbono vin ankaŭ pli trafos !  
Vi iru alien !.. aŭ kune ni !

JAFETO

Irdo,

Ne ! Sola mi iros !..

IRDO.

Nu do al vi Paco !..

(Li foriras)



### SCENO III.

ĴAFETO - UU<sup>5</sup>, - U.

Paco!.. Mi serĉis ĝin kie ĝi devus troviĝi!... en Amo!..  
Serĉis mi tiel fervore, ke eble mi devus ĝin trovi!  
Ve!.. Mi renkontis, anstataŭ ĝin, pezon sur koro, premantajn  
Pensojn, kaj tagojn malĝojajn, kaj noktojn sendormajn!.. Ĉu Paco  
En malespero!.. Senmov', trankvilec' de senvoja arbaro  
Kies silenton nur rompas ventego tra branĉoj ĝemantaj...  
Tia... senmovo maldolĉa de mia anim' premegata!  
Tero kulpiĝis!.. kaj signoj multnombraj kaj gravaj proklamis  
Ŝanĝon proksiman, kaj punon teruran al ĉiuj mortemaj!  
Anjo! Ho kara! En horo fatala, en kiu la maro  
Ŝprucos el fontoj senfundaj kaj ne elĉerpeblaj, sur mian  
Koron vi estus povinta rifuĝi, kaj trovi subtenon!  
Tiu ĉi koro, pro am' al vi ĉiam sopiris... senfrukte!  
Ĝi, pli senfrukte ankoraŭ premiĝos dolore, se l'via...  
Dio! Ke Via Kolero almenaŭ indulgu al Anjo!  
Sankta ŝi staras en mezo de kulpa homaro kaj same  
Kiel ŝi, stelo radias en mezo de nuboj, kovrantaj  
Ĝin iafoje, sed ĝin ne povantaj estingi! Ho kara  
Anjo! Ho kiel mi estus aminta vin! Sed vi min puŝis  
For! Kaj mi volus ankoraŭ vin savi, kaj vidi vin viva,  
Kiam akvego senlima funebre surkovros la Teron,  
Kiam nenia ŝtonego elstaros al Leviatano  
Reĝo de maroj senbordaj kaj de Oceano Tutmonda;  
Kiam mirigos ĝin mem senfineco de ĝia Regejo!

(*Li foriras*).



*SCENO IV.*

NOO, SEMCJO.

NOO.

- u <sup>6</sup> Kie estas do Ĵafeto, frato via ?

SEMCJO.

Li foriris kiel diris li, al Irdo  
Laŭ kutim' ! Sed mi pli time kredas, ke li  
Iris al tendar' de Anjo, ĉirkaŭ kiu  
Li vagadas dum la nokto, kaj similas  
Je kolombo flugetanta ĉirkaŭ sia  
Detruita nest' !... aŭ eble li aliris  
Al kaverno, tien, flanke de Araro !...

NOO. uu - <sup>5</sup>, u

Ho ve ! Kion li faras... en tiu ĉi loko danĝera  
De la Tero, sur kiu jam estas malbonoj sennombraj ?  
Kunveniĝas ĉi tien estaĵoj timindaj pli ol la  
Malbonuloj ! Ĵafeto ne ĉesas amegi filinon  
De deven' malbenita de Dio ! Kaj certe ne povas  
Li edziĝi kun ŝi, eĉ se tiu ĉi volus lin ami !  
Malfeliĉa ho koro de homoj ! Ve ! Filo de mia  
Familio kaj sango ! Scianta pri krimoj kaj sorto  
De ĉi tiu epoko ! Scianta, ke hor' proksimiĝas !  
Ĉu li povas sin ĵeti al kulpaj ĉi tiuj plezuroj ?...  
Sed konduku min !.. Estas necese, ke mi lin retrovu !..

SEMCJO.

Vi ne iru pli longe, ho paĉjo ; mi serĉos Ĵafeton !

NOO.

Vi ne timu pri mi ! Malbonula Spirito ne povas  
Malutili al iu amata de Dio !... Ni iru !



SEMĈJO.

Al tendaro de tiuj fratinoj ?

NOO.

Ne !... Al la kaverno !...

(*Ili foriras*).

## SCENO V.

ĴAFETO.

u - u<sup>4</sup>

Ho lokoj senhomaj ! Vi ŝajnas eternaj !  
Kaverno profunda kaj ne mezurebla !  
Montaro multforma kaj bela, terura  
Pro kruda majesto de viaj ŝtonegoj,  
De arboj altkreskaj, miksantaj radikojn  
Kun ŝtonoj tavolo pendantaj kaj kiujn  
Atingus sen tremo neniu mortema !  
Vi ŝajnas eternaj !... Jes !... Tamen post iom  
Da tagoj,.. kaj eble, post iom da horoj,  
Akvego terura vin rompos, renversos !  
Ondaro potenca, bruega, plenigos  
Mallumajn kavaĵojn de tiu kaverno,  
Irejo al Mondo subtera, kaj super  
Kuŝej' de leono tranaĝos delfenoj !...  
Kaj Homoj!.. Mortemaj!.. Ho fratoj!.. Ĉu sola  
Mi devos ĝemadi sur via tombego ?  
Ĉu iu postvivos el vi por ploradi ?  
Pli ol vi, ĉu estas mi, inda je vivo ?  
Ve ! Kio fariĝos bellokoj sur kiuj  
Mi pensis pri Anjo, en temp' de espero ;  
Kaj lokoj silentaj (ĉu ankaŭ ne karaj ?)  
Sur kiuj sopiris mi kun malespero !  
Ĉu vere ? Flueg' ondiga surkovros  
Ĉi tiun altaĵon fieran, kaj supron



Brilantan, similan je stel' malproksima !  
Ĉu Sun' leviĝanta ne tuŝos plu, kaj ne  
Forpelos plu nuban vaporon, naĝantan  
Sur ĝia supraĵo ? Ĉu ankaŭ mi, tien  
Ne vidos plu larĝan vesperan sundiskon  
Subiri post pinto de l'Monto plej glora,  
Kaj lasi sur supro brilegan lumkronon ?  
Ĝi estus *neniam plu* monda lumturo,  
Anĝela haltej' plej proksima de steloj ?  
Ĉu vortoj : *neniam plu*, estus diritaj  
Pri vi kaj pri ĉio, escepte pri ni, kaj  
Pri la kreitaĵoj rampantaj, savotaj  
De patr' obeanta Ordonon Ĵehovan !  
Ĉu povos li savi ĉi tiujn ? kaj ĉu mi  
Ne povos plej ĉarman filinon teranan  
Fortiri el sorto trudita neniel  
Eĉ al la serpentoj kaj la serpentinoj ?  
Ĉu povos la raso de tiuj rampaĵoj  
Minaĉi per sia pikilo al ia  
Novmond' eltirita el ŝlimo ŝaŭmanta,  
Restaĵo kovranta la mondon malnovan,  
Kaj memorigaĵo, en mondo pli alta,  
Pri tiom da nunekzistantaj estaĵoj ?  
Ho tago terura ! Mortantoj sennombraj !  
Ho Mond' admirinda kaj juna, kreita  
Por morti ! Dolore sur vin mi rigardas  
Dum tago kaj nokto ! Kaj tagojn kaj noktojn  
Restantajn al vi, mi pasigas kun trem' !... Mi  
Ne povas vin savi !... Mi povas nenion  
Por savi eĉ tiun ĉi, kies amego  
Vin estus farinta pli kara al mi ! Ve !  
Kreita el parto de via polvaĵo,  
Mi ploras pri via proksima defalo !  
Ho Dio potenca ! Ve ! Ĉu Vi permesus...

(Li ekhaltas en parolado. Bruo aŭdiĝas el la kaverna,  
poste, ekridoj. — Spirito eliras kaj preterpaŝas).



SCENO VI.

ĴAFETO, SPIRITO.

ĴAFETO.

o -<sup>3</sup>, o Je Nomo de Plejsupra ! He ! Vi kiu ?...

SPIRITO.

Ha ! Ha !

ĴAFETO.

Pro ĉio sankta sur la Tero !  
Parolu !...

SPIRITO.

Ha ! Ha !

ĴAFETO.

Pro Akveg' proksima !  
Pro Tero, kiun maro tuj surkovros !  
Pro plenaj fontoj de Profundegaĵoj !  
Pro Firmamento, kiu faros nubojn  
Torentoj ! Pro Ĉiopovec' kreanta  
Kaj detruanta ! Ho vi, nekonata  
Fantom' terura kaj timiga, al mi  
Respondu !... Kial tiu korŝiranta  
Krieg' ?...

SPIRITO.

Kaj vi, pri kio vi malĝojas ?

ĴAFETO.

Pri Tero, kaj pri ĝiaj idoj !

SPIRITO.

Ha ! Ha !

(*La Spirito foriras*).



## SCENO VII.

ĴAFETO.

- u u<sup>4</sup>, - u Tiu Spirito mokridis pri homaj doloroj,  
Kaj fariĝonta detruo de l'Mondo, al kiu  
Suno lumigos kun varmo senfrukta por vivo!  
Tero silentas! Kaj kiel ĝi, ĉiuj vivantoj  
Dormas en tago proksima je venko de l'Morto!  
Kial vekigus do tiuj por trovi ĉi tiun?...  
Kion mi vidas?... Ho! Kiaj do estas ĉi tiuj  
Strangaj estaĵoj, similaj je Morto mem?... Ili  
Inter si voĉas per sama elson' de parolo  
Kiel estaĵoj naskitaj pli frue ol tiu  
Mond' finiĝonta, kaj ŝovas sin kiel nubaroj.

*(Kelkaj Spiritoj eliras el la kavernoj).*

## SCENO VIII.

SPIRITO, ĴAFETO.

SPIRITO.

u - u<sup>4</sup> Ni ĝoju! La ras' malaminda, ĝi kiu  
Ne povis konservi Edenan feliĉon,  
Kaj kiu sopiris pri scio senpova...  
Ĝi nun tuj pereos!.. Ĝi ne detruigos  
Kun malrapideco, nek iom post iom,  
Nek ankaŭ per glavo, dolor', maljuneco!  
Ĉar al ĝi jen tago la lasta! La Tero  
Nur estos marego! Sur vasta supraĵo,  
Nenio aŭdiĝos krom blovo de ventoj!  
Anĝeloj lacigos flugilojn por serĉi  
Haltejon! El mezo de tiu ondegas



Tombejo, nenia ŝtonego elstaros  
Por savon ebligi al hom' senespera,  
Aŭ montri la lokon sur kiu li mortis  
Kun lasta rigardo al tiu ĉi maro  
Senlima, kaj kies forflu' esperata,  
Ne por li, fariĝos !... Kaj ĉie detruo !...  
Kaj ĉie ruinoj !... Kaj regos vivulojn,  
Anstataŭ la Ter', Elemento alia !  
Ne vivos plu la malamega idaro  
De ŝlimo ! El ĉiuj koloroj sur Tero  
Nur restos kolor' samnuance lazura !  
Ne montoj multformaj, sed vasta plataĵo !  
Ĉiaĵo ŝanĝiĝos ! La cedro, la pino  
Ne levos plu supren ĉefbranĉon, kovritan  
De tiu ĉi superakvaĵo tutmonda !  
Homaro, kaj Tero, kaj fajro mortiĝos !  
Ĉielo kaj maro senfine vastiĝos,  
Sen vivo... pro La Eternulo ! Ĉu iu  
Konstruus ŝirmejon sur ŝaumo de ondoj ?

Ĵ A F E T O .

(alirante)

u - u<sup>4</sup>    Jes, iu !.. Li, paĉjo !.. De l'Tero la semo  
rimoj    Neniul perdiĝos, kaj nur malbonemo  
sinsekvaj    Foriĝos por ĉiam ! Forkuru, venkantaj  
            Demonoj inferaj, terure kriantaj  
            Pro ĝojo, ke Dio detruos ĉi tion  
            De kio vi mem ne detruus eĉ ion !  
            Rapide forkuru ! Forkuru al via  
            Profunda kaverno ! Kaj maro, en ĝia  
            Malluma kuŝujo vin sekvos, disigos  
            Vin, vian malbonan anaron forigos,  
            Por ĵeti ĝin mezen de turnoventegoj  
            En vasta, senfina supraĵ' de spacegoj !



SPIRITO.

u - u<sup>4</sup> Ho Fil' de l'Savota ! Tuj kiam saviĝos  
*rimoj* Vi kun familio el danĝeroriĉaj  
*alternaj.* Teruraj penadoj, kaj por vi foriĝos  
Ondegaj bariloj... ĉu bonaj, feliĉaj  
Vi estos ?... Ne !... Ĉiam, Malbon' malutilos  
Novmondon, novrason ! Ve, via idaro  
Per sia beleco, longvivo, similos  
Neniel al nuna glorgrandegularo  
Fiera pro sia Ĉiela deveno ;  
Ĝi, kvankam el Teraj virinoj naskita !  
El tempo estinta nur restos ĉagreno ;  
Kaj ĉu vi ne estos, vi mem, hontigita  
Postvivi, kaj poste ebligi naskiĝon  
De idoj mortemaj ? Ĉu tiel malbrava  
Vi, kaj senkuraĝa, por ke la sciĝon  
Pri tiu detruo tutmonda plej grava  
Vi povu sen kora ribelo toleri ?  
Ĉu en vi, ne sentas vi noblan korŝiron  
Por brave teruran ondegon preferi  
Anstataŭ ol serĉi, kun patro, eliron  
Por via saviĝo, kaj iam loĝadi  
Sur tombo de l'Tero ! Se ia vivulo  
Post sia Tutraso preferus vivadi,  
Li estus nur malkuraĝul' aŭ blindulo !

u - u<sup>4</sup> Pro raso, malamas ni unu l'alian !  
*ŝanĝo de* Ni estas el rasoj malsamaj, kontraŭaj !  
*alterneco.* Anĝeloj, ni lasis en tempoj antaŭaj  
Ĉe trono ĉiela la kronon radian,  
Kaj loĝis en tiu ĉi lok', malvolinte,  
Ke fratoj solece suferu sur Tero !...  
Nu, iru, kaj vivu de nun en mizero  
Aliajn mizeraĵn estaĵojn naskinte !



Kaj kiam ruinojn surkovros ondaro,  
Enviu al grandegularo mortinta,  
Kaj malestimegu al Patro restinta,  
Kaj ankaŭ al vi... vi el lia idaro !

### SCENO IX.

HORO, ĴAFETO, SPIRITO.

HORO.

U - U<sup>4</sup>

Ni ĝoju ! La voĉo de l'Hom' silentiĝos ;  
Per preĝoj ne ĝenos plu niajn traflugojn !  
Tuj ĉesos adoroj ! Ni ankaŭ de longe  
Neniel adoras plu Dion, Lin, kiu  
Postulas alpreĝojn kaj vidas ofendon  
Eĉ en la forges' de ofero ! Ni vidos  
La fontojn maldolĉajn refari Ĥaoson,  
Ni vidos pereon de Homoj fieraj  
Pro sia konsisto el vanta polvaĵo !  
Ilia ostar' blankiĝinta pavimos  
Kavernojn, valfundojn, kavaĵojn de montoj,  
Kaj tie ĝin trafos ondego de maro !  
Bestaroj mem, pro malespero, ĉesigos  
Atakojn al Homo, kaj interbatalojn !  
La tigro mortiĝos ĉe flank' de ŝafido,  
Similaj je fratoj suĉintaj samlakton !  
Ĝis kiam ĉiaĵoj, krom la Firmamento  
Fariĝos silentaj, malestos kiele  
En tempoj antaŭaj al kreo de l'Mondo !  
Mallonge prokrastas la Morto ! Ĝi lasos  
Postvivi nur erojn de l'nunvivantaro,  
Por al si prepari novmondan akiron !  
Ĉi tiuj restontoj, savitaj per naĝo  
Sur lastaj ondegoj de superakvego,  
Ĉeestos al kreo de novvivantaro  
Tirita el tiu polvaĵ' sekiĝinta ;



Ĝi donos al Tempo novanojn, novjarojn,  
Kaj novajn malsanojn, dolorojn, kaj.. krimojn!  
Ĉi tiuj tiamaj estaĵoj kunvivos  
Kun ar' da malamoj, laboroj... ĝis kiam...

ĴAFETO (*interrompas*).

...Ĝis kiam la Povo Eterna bonvolos  
Klarigi sekreton de Bon' kaj Malbono...  
Ordoni finiĝon de l'Tempo... de ĉio...  
Ĝis kiam, sub Liaj Potencaj Flugiloj  
Estaĵoj ekvidos finiĝon Inferan.  
Kaj Ter' sanktiĝinta (kaj bela ĝi kiel  
En tempo unua) retrovos Edenan  
Feliĉon en la Paradizo senfina,  
En kiu la homoj ne pekos plu, kaj eĉ  
Demonoj mem La Plejjustulon adoros!

SPIRITOJ.

Sed kiam fariĝos ĉi tiu miraĵo?

(*Neregulaj  
alternaj*)

ĴAFETO.

- u<sup>2</sup>, u - u<sup>2</sup>

Kiam venos La Elaĉetonto

u - u<sup>4</sup>

Unue kun larmoj, kaj poste, kun gloro!

SPIRITOJ.

Nun batalu, en mortaj katenoj,  
Ĝis kiam la Ter' maljuniĝos; batalu  
Kontraŭ vin mem, Ĉielon, Inferon;  
Ĝis kiam nubar' makuliĝos per sango  
Kiu ŝprucos el kampoj batalaj!  
Fariĝos novtempoj kaj novaj klimatoj  
Novaj artoj kaj nova homaro!  
Sed ĉiam la krimoj malnovaj, kaj larmoj  
Supervivos kun ŝajnoj multformaj  
En via nova raso!

u - u, - u<sup>2</sup>



La samaj turmentoj de pensoj detruos  
Estonton, kiel baldaŭ  
Ondeg' Oceana surkovros tombarojn  
De gloraj Grandeguloj !

### HORO.

u - u<sup>4</sup> Ho fratoj ! Ni ĝoju !... Mortulo adiaŭ !...  
Aŭskultu, aŭskultu !... Jam povas ni aŭdi  
El la malproksimo teruran bruegon  
u - u<sup>3</sup> De l'maro kreskanta, muĝanta !  
Jen ventoj pretigasflugilojn !  
Jen nuboj ekverŝas torrentojn !  
Jen fontoj senfundaj ŝprucegas !  
Ĉielo malfermas barilojn al ondoj !  
Kaj granda frataro de Homoj  
- u<sup>2</sup>, u - u Vidas, sed ne komprenas  
Ĉiun montron fatalan ;  
Kvazaŭ ĝiaj okuloj  
Estus blindaj naskiĝe !  
*Alterneco po<sup>2</sup>* Bruon ni aŭdas ! Homaro ne povas ĝin aŭdi !  
- uu<sup>4</sup>, - u Aro de l' tondroj kuniĝas, minacas de alte !  
- u<sup>2</sup>, u - u<sup>2</sup> Prokrastiĝas ekfaro nur iom ;  
Fulmotondrojn antaŭeirantajn  
Vidas nur solaj Spiritoj ! Ho ĝemu ! ĝemadu  
Vi Universo ! Vi juna ankoraŭ ! Vi estas  
Pli proksime de via finiĝo  
Ol de via unua naskiĝo !  
Teraj montaroj ! Vin kaŝos la Superakvego !  
Barko rompiĝos, frapante al viaj ŝtonegoj !  
Tie kuŝos konkajoj de l'maro  
Kie hejmas idaro de l'aglo !  
Ĝia kriego traflugos sur mar' senkompata !  
Vane ĝi vokos al siaj malfortaj aglidoj :  
*Alterneco po<sup>2</sup>* Al ĝi ondego respondos sola !...  
u, u - u<sup>2</sup>, - u Homo pri ĝiajflugiloj largaj  
u - u<sup>4</sup> Sopiros ! Flugiloj senpovaj por savo  
Senfrukte baraktus por trovi haltejon.



*Alterneco po<sup>2</sup>*

- u<sup>2</sup>, u - u<sup>2</sup>

Kiam estos sur vasta supraĵo

- uu<sup>3</sup>, - u

Nur malluma tombejo de ondoj !

Fratoj ! Ni ĝoju, kaj brue kriadu per voĉoj timigaj !

Tuta homaro pereos, krom raso malgranda de Setho,

Protektata ĝi kontraŭ la Morto

Por daŭrigi senfine dolorojn !

u - u<sup>4</sup>

Ne restos eĉ unu el idoj Kainaj !

Kaj ĉiuj ĉi tiuj amindaj filinoj

Sterniĝos sur fund' de akvego mortiga,

Aŭ sur la supraĵo, renverse flosantaj,

u - u<sup>3</sup>

Kun dise iĝintaj harligoj,

Ekŝajnos riproĉi Ĉielon,

*Alterneco*

Ke Ĝi senvivigis la belajn kreaĵojn,

*de u - u<sup>4</sup>*

Tiel belajn eĉ en Morto !

*kun - u<sup>4</sup>*

Fatala Ordono jam ne prokrastebla !

Ili ĉiuj ekpereos !

*Alterneco*

Post bruo de ĉiuj elvoĉoj de Homoj,

*de u - u<sup>4</sup>*

Fariĝos silento Tutmonda !

*kun u - u<sup>3</sup>*

Forkuru, frataro, forkuru ! Sed ĝoju !

Ni falis ! Homaro tuj falos !

Pereu ĉi tiuj Ĉielfalamikoj

Malfortaj, timantaj Inferon !

## SCENO X.

ĴAFETO.

u - <sup>5</sup>, u

Proklamis Dio punon al la Tero !

Ĝin jam anoncis Sankta Orakolo !

Demonoj en la fundo de kavernoj,

Kaj Libro de Enoko, jam de longe,

Ĝin antaŭdiris (tiu ĉi en paĝoj

Misteraj, kies senco, al spirito



Altrafas rekte pli ol tondr' al aŭdo !)  
Kaj tamen Homo ne aŭskultis, kaj ne  
Aŭskultas eĉ nun ! Blinde, li travivas  
Al sia perdo, kies proksimiĝo  
Ne pli impresas lian nekredemon,  
Ol lia plorokri' impresos venĝon  
De Di', aŭ maron al Li obeantan !  
Nenia sign' aperas en aero !  
La nuboj estas nun malmultenombraj ;  
Koloro de l'vaporoj ne ŝanĝiĝis !  
La Sun' lumigos al la lasta tago  
De l'Tero, same kiel al l'unua  
De l'kreo, kiam Dio diris : « Brilu ! »  
Kaj Sun' ekbrilis. — Ĝia lum' ne povis  
Jam esti por la Homo ne kreita ;  
Sed ĝi inspiris, antaŭ homan voĉon,  
Pli dolĉajn kantojn de flugamaj birdoj  
Por al Ĉiel' saluti ĉiutage  
Pli frue ol la idoj de Adamo.  
Matenajn ĥorojn tuj komencos birdoj ;  
Tra hela Oriento ili kantos ;  
Kaj tag' brilegos, eble, lastan fojon ?  
Post kelkaj horoj, birdojn lacigitaj  
Flugiloj ne subtenos en aero.  
Kaj post nemultaj sunleviĝoj... tago....  
Ha, brilos ĝi, sed... super kio ?... super  
Ĥaoso, tia kiel antaŭ Lumo,  
Kaj kies refariĝ' detruos Tempon !  
Ĉar sen la viv', por kio servas horoj ?...  
Ne pli por la polvaĵo, ol utilas  
La Eterneco al Ĵehovo, Kiu  
Jam kreis Tempon, ankaŭ Eternecon !  
Sen Dio... Eternec', nur malpleneco !  
Por Homo Temp' kreita ĉesos kun li ;  
Ĝi falos en eternan fundon, kiam  
Homaro detruigos en akvego  
En kiu malaperos juna Mondo !...



Sed kion vidas mi?... Estaĵojn, unujn  
Teranojn, kaj aliajn Aeranojn!  
Ne! Ili ĉiuj estas Ĉielanoj,  
Kaj ili tiel belaj, tiom kiom  
Mi povas vidi el la malproksimo!  
Gracie ili venas de la monto  
Malsupren, kaj traflugas nubetarojn!  
Ĉar ili venas post la malbelegaj  
Spiritoj, kies senmortec' infera  
Malpian himnon de l' triumf' aŭdigis,  
Ĉi tiuj kreitaĵoj ĉarmas, kvazaŭ  
Alvenus ili al mi el Edeno,  
Sciigi eble al mi pri prokrasto  
Pri kiu ofte petis mi por Mondo!  
Jen ili!... Anjo!... Dio!... Ho! Kaj kun ŝi!...

## SCENO XI.

SAMIASO, AZAZIELO, ĴAFETO, ANJO,  
AHOLIBAMO.

SAMIASO.

u - u<sup>4</sup> Ha! Jen Adamido!...

AZAZIELO.

Por kio ĉi tie  
Terido, dum dormas tutraso de Homoj?

ĴAFETO.

Por kio, Anĝel', vi ankoraŭ sur Tero,  
Kaj ne en Ĉielo, en loko deĵora?

AZAZIELO.

Ne scias aŭ eble forgesis vi, ke ni  
Deĵoras sur Tero!



ĴAFETO.

La bonaj Anĝeloj  
Nun ĉiuj foriris el Ter' kondamnita!  
Malbonaj Spiritoj mem kuras for antaŭ  
Ĥaoso! Ho Anjo, objekto al amo  
De longe silenta sed ĉiam fidela,  
Pro kio vi sekvas ĉi tiun Spiriton?  
Ĉar jam nun, neniam Anĝelo forestas  
De sia plej alta Ĉiela sidejo!

ANJO.

Ĵafeto, mi al vi ne povas respondi!...  
Mi petas, vi al mi pardonu!

ĴAFETO.

Ĉiel' ne  
Pardonos plu baldaŭ! Ĝi tamen pardonu  
Nun al vi! Vi falis en tenton danĝeran!

AHO.

Reiru al via fratar'! Tro fieraj  
Ideto de Noo! Ni ja, vin ne konas!

ĴAFETO.

Kredeble, vi baldaŭ min konos pli bone!  
Fratino ĉi scias, ke mi ne ŝanĝiĝis!

SAMIASO.

Ho filo de la Patriarko, li ĉiam  
Fidela al Dio! Pro kia ajn kaŭzo  
Vi estas ĉagrena (ĉar aŭdas mi, ke vi  
Parolas sopire, kolere), ĉu do mi  
Kaj Azazel' al vi faris ofendon?

ĴAFETO.

... Ofendon! Plej gravan, jes, el la ofendoj!  
Sed prava vi estas! Neniam mi povis



Meriti ŝin, kvankam filinon de l' Tero !  
Adiaŭ, ho Anjo ! Ĉi nomon mi ofte  
Ripetis, kaj mi ĝin lastfoje rediras !  
Anĝelo, aŭ kia ajn estas vi, kio  
Ajn estos vi baldaŭ.. ĉu povas vi savi  
Ĉi tiun... ĉi tiujn du belajn filinojn  
De ras' de Kaino ?

AZAZIELO.

Ĉu ili bezonas  
Nun savon ?

ĴAFETO.

Ĉu povas vi tion ne scii ?  
Anĝeloj, Anĝeloj, en peko de l'Homo  
Vi jam partoprenis, kaj vi partoprenos  
En pun' aŭ almenaŭ en miaj bedaŭroj !

SAMIASO.

Ho ! Kiaj bedaŭroj ? Ĝis nun mi ne pensis,  
Ke ido Adama sukcesus paroli  
Al mi per enigmoj !

ĴAFETO.

Ĉu la Ĉiopova  
Ne ilin klarigis ? Ve !... tial... vi estas  
Perditaj... kun ili, kaj same perditaj !

AHO.

Nu ! estu tiele ! Se ili nin amas  
Kiele ni ilin nun amas, ja, ili  
Ne timos pli, antaŭ mortema malforto,  
Ol timus mi antaŭ senmorta doloro,  
Se devos mi senti ĝin kun Samiaso !

ANJO.

Fratino ! Fratino ! Ne tiel parolu !

AZAZIELO.

Vi timas, ho Anjo !

ANJO.

Jes !... por vi !... volonte  
Fordonus mi vivon restantan, por ke vi  
Senmorta, ne ploru eĉ unu momenton !

ĴAFETO.

Ha ! Ĉu do pro li... pro ĉi tiu Serafo,  
Vi ĵetis min for !... Sed ĉi tio ne grava,  
Se Dion Mem vi ne forlasis samtempe !  
Ĉi tiuj kuniĝoj de Senmortemulo  
Kun ino mortema, ne povas fariĝi  
Feliĉaj kaj sanktaj ! Sur Tero ni devas  
Labori kaj morti ! Kaj estas kreitaj  
Ĉi tiuj por serv' al Pleĵalta... Sed tamen  
Se povas li savi vin, baldaŭ necesos,  
Ke al vi li donu anĝelan kunhelpon !

ANJO.

Pri mort' li parolas !

SAMIASO.

Paroli pri morto  
Al ni, kaj al tiuj ĉi kun ni ! Se li ne  
Vidiĝus en ega malĝojo... mi ridus !

ĴAFETO.

Mi timas, malĝojas ne pri mi, mi estas  
Savota, ne pro la personaj meritoj,  
Sed pro la meritoj de patro justama,  
Li, kies indeco sufiĉas por savi  
Eĉ lian idaron ! Ha ! Se nur li povus  
Multigi povecon por savon ebligi !  
Almenaŭ se povus mi vivon fordoni  
Por tiu ĉi, kiu min farus feliĉa !...



Por Anjo, la lasta kaj la plej aminda  
En ras' de Kain'! Ŝi enirus arkaon  
Kun anoj de posteularo de Setho!

AHO.

u - <sup>o</sup>, u    Ĉu pensas vi, ke ni, samsangaj kiel  
Kain', l'unua filo de Adamo,  
Naskita en Edeno, ni kunirus  
Kun vi, idar' de Seth', la lasta frukto  
De maljunago de Adamo? Ne, ne,  
Eĉ se ĉi tio devus savi Mondon  
Tuj pereontan! Nia raso ĉiam  
De l'via apartiĝis!... Kaj ĝi tiel  
Vivados!

ĴAFETO.

Aho! Mi ne alparolis  
Vin! Ĉar, ve, vi enhavas tro da sango  
De tiu homo, kiun vi ĵus gloris!  
Li kiu, la unua, verŝis sangon,  
Kaj sangon fratan! Sed vi, mia Anjo,  
Permesu, ke mi diru: « Anjo mia »,  
Eĉ kvankam vi ne volas esti « mia »!  
Delasi tiun nomon mi ne povas!  
Kaj tamen mi delasi devas vin mem!  
Ho Anjo mia! Pensis mi: Abelo  
Filinon naskis, kies pia sango  
En vi postvivas... vi malsama tiel  
Al idoj de Kaino per dolĉeco;  
Nur per beleco sama kiel ili!

AHO (*interrompas*).

Ĉu volus vi, ke estu ŝi simila  
Je malamik' de nia patro?... Se mi  
Ekpensus tion... se mi kredus, ke ŝi  
Enhavas en si ion de Abelo!...  
Foriru, fil' de Noo!.. Vi elvekas  
Malamon!...

ĴAFETO.

Tion faris via patro,  
Filin' Kaina !

AHO.

Sethon li ne buĉis !  
Pro kio vi okupas vin je aĵoj  
Aliaj, inter li kaj lia Dio ?

ĴAFETO.

Vi estas prava ! Lia Di' lin juĝis !  
Ne estus mi nominta lian krimon  
Se vi ne estus vin glorinta pro li,  
Anstataŭ ol forpeli penson pri li !

AHO.

Li estis ja la patro de la paĉjo,  
Naskita la unua de la Homo,  
Kaj la plej forta, brava, malfeliĉa  
El ĝiaj filoj ! Ĉu mi hontus pri li,  
Al kiu ŝuldas mi la vivon ? Vidu,  
En mia raso, virojn, kaj iliajn  
Altkreskon, kaj belecon, kaj kuraĝon,  
Kaj nombron de iliaj vivotagoj !

ĴAFETO.

Kalkul' nun plenumita !

AHO.

Tiel estu !  
Sed tiel longe kiel ili vivos,  
Mi gloros min pri patroj kaj pri fratoj !

ĴAFETO.

La patro, mia raso, sin nur gloras  
Pri Dio sola !... Kaj vi, Anjo ?



ANJO.

Kiel

Ajn volos Dio Setha kaj Kaina,  
Mi devas nur obei ! Sed se povus  
Mi fari preĝon, dum ĉi hor' terura  
De venĝo, (se ĝi venos !), mi ne petus  
Postvivi sola post gefratoj miaj !  
Fratino, ho fratino, kio estus  
La Mondo, kio estus la Mondaro,  
Kaj, kio estus estontec' plej brila,  
Sen la feliĉo de la pasintaĵoj,  
Sen amo via, l'amo de la paĉjo,  
Sen ĉio, kio kun mi elnaskiĝis  
Kaj kreskis, beligante kiel astroj  
Ekziston mian per lumigo dolĉa !  
Aholibam', se estos permesate  
Esperi savon, serĉu, trovu ĝin !... Mi  
Malamas morton, ĉar vi devas morti !

AHO.

Nu kio ? Ĉu impresis vin ĉi tiu  
Revisto kun la ŝip' de sia patro,  
Nur timigilo por la Mondo ? Ĉu nin  
Ne amas du Serafoj ? Kaj ĉu decas  
Petegi Noan filon ? Ho, prefere...  
Sed tiun ĉi reviston erarigis  
Turment' de pensoj pri sopiroj vanaj,  
Dum lacigantaj maldormadoj ! Kiu  
Movigos montojn, Teron ? Kiu diros  
Al nuboj kaj fluegoj preni formojn  
Aliajn ol ĉi tiujn, kiuj estas  
Ĝis nun konataj de ni, dum ilia  
Kuraĝ' eterna ?... Kiu povus tion ?...

ĴAFETO.

Ĉi Tiu, Kies Vorto kreis ilin !

AHO.

La Vorton kiu aŭdis ?

ĴAFETO.

Mondo, kiu  
Ricevis de Ĝi vivon ! Ha, malŝate  
Nun vi ridetas ! Turnu vin al tiuj  
Serafoj, se min ili ne pravigos,  
Ne partoprenas ili kun Anĝeloj !

SAMIASO.

Aholibam', rekonu vian Dion !

AHO.

Kreinton nian ĉiam mi rekonis,  
Ho Samias', Li via kaj Li mia !  
Li Dio ama, kaj ne Di' dolora !

ĴAFETO.

Ve ! Kio estas am' se ne doloro ?...  
Eĉ Tiu, Kiu ame kreis Teron  
Malĝojis baldaŭ pri unuaj ĝiaj  
Loĝantoj !

AHO.

Tion oni diras !

ĴAFETO.

Prave !

## SCENO XII.

*La samaj, NOO eniras kun SEMĈJO.*

- u u<sup>5</sup>, - u

NOO.

Filo Ĵafeto ! Ho kion vi faras kun tiu idaro  
De malbonuloj ? Ĉu vin ne retenas la tim' partopreni  
Perdon ilian proksiman ?



ĴAFETO.

Ho Paĉjo ! Ĉu estus pekajo  
Peni por savi estaĵon de l'Tero ?.. Nur vidu : nekulpaj  
Ili, ĉar estas kun ili Anĝeloj !

NOO.

Jen estas do tiuj  
Kiuĵ forlasas la Tronon de Dio por serĉi edzinojn  
Inter idinoj Kainaj ! Jen estas la Filoj ĉielaj  
Kiuĵ elserĉas filinojn de l'Ter', pro ilia beleco !

AZAZIELO.

Ho Patriarko, ĵus diris vi veron !

NOO.

Trifoje, ho ve al  
Tiaj kunligoj ! Ĉu Di' ne disigis Ĉielon kaj Teron ?

SAMIASO.

Ĉu do ne estas kreita la Homo simila je Dio ?  
Kaj ĉu ne amis Ĵehovo ĉi kion li faris ? Nu, same  
Kiel Li, vete ni celas por amo al aĵoj amataj !

NOO.

Estas mi homo nur, kaj malkapabla por la similulojn  
Juĝi, kaj multe pli ankaŭ por juĝi Estaĵojn Ĉielajn !  
Sed ĉar Ĵehovo bonvolis paroli kun mi, kaj malkovri  
Siajn Decidojn... respondas mi al vi, ke povas nenio  
Bona troviĝi en kaŭzo iginta Serafojn forlasi  
Lokojn senmortajn por veni en Mondon morteman,  
[nedaŭran !

AZAZIELO.

Ho ! Eĉ por savi ?

NOO.

Eĉ ! Malgraŭ la Gloro per kiu vi brilas,  
Estas senpovaj vi por elaĉeti ĉi kion kondamnis

Tiu al Kiu vi ŝuldas la Gloron ! Kaj se vi ricevis  
Vere Ordonon por savo, ĝi estus por savo de ĉiuj,  
Kaj ne de tiuj du solaj idinoj Kainaj ! Jes ili  
Belaj ; sed, malgraŭ belec', kondamnitaj !

ĴAFETO.

Ho paĉjo, retiru

Tiajn parolojn !

NOO.

Ho filo ! Ho fil' ! se vi volas eviti  
Sorton ilian, forgesu, ke ili ekzistas, ĉar baldaŭ  
Ili ne vivos plu !... Tiam vi estos la patro de nova  
Mondo... de mondo pli bona !...

ĴAFETO.

Ho ! lasu min morti kun ili !

NOO.

Inda vi estus je tio, pro tiu ĉi penso ! Sed Tiu  
Kiu decidis vin savi, vin savos !

SAMIASO.

Kaj kial lin kaj vin,  
Kaj ne ĉi-kiun la filo pli amas ol sin mem kaj ol vin ?

NOO.

Tion demandu al Tiu ĉi, Kiu vin faris pli granda  
Ol min kaj miajn, vin tamen devige obea al Lia  
Povo... Jen venas plej dolĉa el Liaj fidelaj senditoj !

### SCENO XIII.

*La samaj, ĈEFANĜELO RAFAELO eniras.*

RAFAELO.

o - o<sup>4</sup>      Anĝeloj, vi kies ĉeesto nur decas  
Ĉe Trono Ĉiela, pro kio vi tie ?  
Ĉu tiel plenumas vi devan oficon,  
En horo por lasi sen helpo la Teron ?



Reiru, adoru, kaj servu per gloraj  
Kantadoj kun sep Ĉefanĝeloj ! Vi devas  
Dejori nun en la Ĉiel' !

SAMIASO.

Rafaelo,  
L'unua, plej bela el Filoj de Dio,  
Ĉu estas do malpermesate : Anĝeloj  
Deiru al Tero ? Jehovo Mem, ofte  
Bonvolis trapaŝi sur ĝia supraĵo.  
Jehovo ja amis la Mondon ; Li kreis  
Ĝin, por ke ĝi amu Lin ! Ofte, kun ĝojo  
Ni venis sciigi pri Liaj Ordonoj.  
Ni gloris Lin en plej malgrandaj kreaĵoj,  
Ni zorgis pri tiu malforta idaro,  
Simila je floroj en Dia ĝardeno,  
Por gardi ĝin inda je Dio, kaj kiel  
La lasta faraĵo de Lia Faremo !...  
Sed via vizaĝo sin montras severa  
Pro kio minaci pri falo baldaŭa ?

RAFAELO.

Se vi, Samiaso kaj Azazielo  
Jam estus restintaj en loko dejora  
Kun ĥoroj Anĝelaj, vi estus sciintaj  
Pri lasta Ordon' de Jehovo, skribita  
Per fajraj literoj ; kaj vi ne bezonus  
Demandi pri Volo de Via Kreinto !  
Sed ĉiam nesci' partoprenas en peko !  
Sciencaj Spiritoj eĉ estas malindaj  
Je si mem, se ili sin nutris per vana  
Malhumilegeco ; kaj estas blindeco  
L'unua el fruktoj de la malobeco !  
La bonaj Spiritoj nun ĉiuj forlasis  
La Mondon, en kiu vi estas logataj  
De emo kontraŭa al via esenco,  
Kaj peke kaptataj de am' al mortemaj !



Sed tamen vi estas nun senkulpigeblaj,  
Vokitaj por iri al Viaj Samuloj,  
Forflugu ! Forflugu ! Restante ĉi tie  
Vi perdus la rajtojn de Bonangeleco !

AZAZIELO.

Kaj vi, se sidadon sur Ter' malpermesis  
Ordon' ne konata ĝis nun, ĉu ne pekas  
Vi, kiel ni, tien veninte ?

RAFAELO.

Mi estas

Veninta por peti vin ! Iru en vian  
Ĉielan sidejon, je Nom' de Plejalta !  
Mi venis por Liajn Ordonojn plenumi !  
Mi ĝoje alportas pardonan parolon !  
Ni ofte kunflugis tra spacoj eternaj,  
Ni kune kunflugu reiren al astroj !  
Jes, Tero pereos ! Jam preta tombejo  
Por raso de Homoj ! Ho ! Kial la Mondo  
Ne povis kreigi, kaj ne detruigos  
Sen perdo da anoj en vicoj ĉielaj !  
Ve ! Anoj senmortaj kun puno terura !  
La frato Satano sin perdis, volinte  
Ribelon pli ol ĝistiaman obeon !  
Vi, malpli potencaj ol la Ĉefanĝelo  
Falinta, pripensu pri lia falego !  
Ĉu povus ĉi homaj filinoj kompensi  
Ĉielan feliĉon, bedaŭron senfinan ?  
Mi longe batalis, mi longe batalos  
La malobeinton, nun plej bedaŭrantan  
Pri sia naskiĝo, ĉar li ekfuzis  
Rekoni estrecon de Tiu Supera  
Al la Ĉefanĝeloj sidantaj je l'dekstro  
De Lia Glortrono, similaj je sunoj  
Brilantaj per lumo de astro pli granda !  
Mi amis lin ! Vere ! Escepte Ĉi Tiu  
Kreinta lin, kia Ĉiela Potenco



Egalus, per sia beleco, Satanon ?  
Mi volus esperi, ke iam, pardonon  
Pri l'krim' li ricevos !... Ĉu eble malpia  
Ĉi tiu deziro !... Sed vi, nun povantaj  
Reiri al gloro, min aŭdu, aŭskultu !  
— Kun Di' aŭ Satan', Eternecon akceptu :  
Jen estas nun por vi la sola elekto ! —  
Satan' vin ne tentis, ĉar nun la Anĝeloj  
Ne povas plu fali en liajn kaptilojn !  
La Homo atentis pri liaj konsiloj,  
Sed vi ĵus atentis pri voĉ' de l'Virino,  
Ĝi, pli deloganta mem ol la Serpento !  
La voĉo serpenta perfidis ja malpli  
Ol povas perfidi la kisoj virinaj !  
Serpento faligis nur Teran Estaĵon ;  
Virino minacas Ĉielon, ŝi volas  
Al si, siavice, altiri armeon  
Da ribelemuloj al Leĝoj Ĉielaj !  
Ha ! Flugu ! Forflugu ! Vi estas senmortaj !  
De kiam mortigis ĉi kiujn vi amas,  
Vi ploros, plenigos aeron per ĝemoj  
Pri polvo mortema, kaj kies memoro  
Ligita kun via senmorta sentemo  
Pli vivos ol Suno al Mond' lumiganta !  
Pripensu, vi estas naskiĝe malsamaj  
Je ili, kaj samaj nur por la suferoj !  
Por kio heredi la malbenitaĵojn  
Kun raso kreita por esti batita  
De jaroj, frapita de timoj, tranĉita  
De Morto, reganto sur l'aro de Homoj !  
Se Dio kolera eĉ estus lasinta  
Al ili ekziston, kaj estus doninta  
Al ili la eblon vivdaŭre sin ŝovi  
Sur ŝlimo el kiu jam ili naskiĝis,  
Ĉu ili ne estus senĉese premataj  
Kaj de la malbono kaj de la doloro ?



Ili forflugu ! Mi aŭdas la voĉon de la Sciiganto !  
 Ĉiuj mortigōs en aĝo pli juna ol tiu de niaj [vego  
 Gloraj prapatroj ! La voĉo proklamas : « Jam Superak-  
 « Preta en nuboj ; akvaro de profundegaĵoj elkreskos  
 « Supren ĝis akvoj Ĉielaj ! » Kredeble malmultaj saviĝos !  
 Raso Kaina senfrukte petegos al Dio Adama !  
 Mia fratino ! Ĉar estas tiele, ĉar La Eternulon  
 Vane ni petos, ke Li nin indulgu dum iom da tempo,  
 Lasu ni tiujn ĉi, kiujn ni ĝis nun amegis ! Ni iru  
 Kontraŭ ondegon, kiele eĉ kontraŭ tranĉilon ; korbate  
 Eble, sed brave ! Ni ĝemos !.. sed malpli pri ni ol pri tiuj  
 Kiuj postvivos je ni, en senmorta aŭ morta sklaveco !  
 Kiam fariĝos finiĝo de Superakvego mortiga,  
 Ili plorados sur tiuj ĉi, kiuj ne verŝos plu larmojn !  
 Flugu, Serafoj, forflugu al viaj eternaj sidejoj,  
 For de la ondoj kaj ventoj ! Por ni, la mortigō ; por vi, la  
 Vivo eterna : jen estas la sorto al ni altrudita !  
 Sola, Kreinto de l'Mondo nun scias plej certe pri kio  
 Estas pli bona : ĉu vivo ? ĉu ia eterna soleco ?  
 Vi do obeu Lin ; same obeos ni Lin ; sed ne volus  
 Mi, ke (laŭ sama protekto donita al raso de Setho),  
 Estu, dum hor', daŭrigata ĉi vivo de Li kondamnita !  
 Vidu mi vin senigitajn je parto de Liaj Favoroj !..  
 Viajflugiloj tuj portos vin ĝis la Ĉiel', Samiaso ;  
 Mia amego, nur, sekvos vin tien !.. Sen larmoj, okuloj  
 Miaj ! ĉar la fianĉin' de Anĝel' fierege malŝatas  
 Plori !.. Adiaŭ !.. Nun levu vin Superakveg' senkompata !

ANJO.

Morti ĉu devas mi ! Perdi vin ankaŭ ĉu devas mi ! Mia  
 Azazielo ! Ho mia ! Ho koro !.. La kor' antaŭsentis  
 Ĝuste, Ve !... Tamen mi, tiel feliĉa, esperis !.. Fatala  
 Sorto ĉi tiu (Gi tiel terure timinda !).. min trafas  
 Kiel batego ne antaŭvidita !.. Sed.. tamen, vi iru  
 For !.. Ha !.. Pro kio ?.. Ne ! Mi ne retenas vin ! Mia  
 [korŝiro



Daŭri ne povas!.. Sed via dolor' eterniĝus, se.. pro mi..  
For la Ĉiel'... vi fariĝus pelita... ! Jam nun vi tro faris  
Por mi, filino de raso Adama!.. Ve!.. Nia propraĵo  
Estas doloro, kaj kiel ni, anoj ĉielaj, se ili  
Amis nin devas elporti ĉagrenojn..., kaj la malfavoro  
Trafas al ili!... L'unua al ni sciiginta sekretan  
Scion defalis de sia seĝeg' ĉefanĝela, por iri  
Ian sidejon kaŝatan ! Vi, Azazielo... ne... vi ne  
Estos..pro mi..malfeliĉa ! Forflugu sen larmoj ! Forgesu  
Tiun, al kiu ondeg' senkompata ne trafos maldolĉe  
Kiel en tiu momento !.. Forflugu ! Forflugu !.. For via  
Vido, ja, mi pli facile aliros al mort' !

ĴAFETO.

Ha ! Ne diru

Tion!... Ho Paĉjo ! Kaj vi, Ĉefanĝelo ! vi kies vizaĝo  
Restas severa, trankvila, radia !... Ĉiela kompato  
Al ni sciigu, ke ili ne restos lasitaj sur tiu  
Maro senfina..., ke nia ŝipego ne estos la ilo  
Sola por savi vivulojn !.. aŭ faru, ke mi mem tuj'mortu !

NOO.

o - o<sup>4</sup>      Silentu ! Sklavul' de pasioj ! Silentu !  
Se koro malbenas, ke lang' ne insultu  
Al Dio ! Laŭ Lia Ordono vi vivu,  
Eĉ mortu vi, kiel justulo, ne kiel  
La raso Kaina ! Sed ĝemu silente,  
Kaj ĉesu lacigi Ĉielon per plendoj  
Memamaj ! Ĉu eble vi volus, ke Dio  
Mem kulpa fariĝu por vi per la ŝanĝo  
De Siaj Decidoj, pro emoj de Homo ?  
Jes, homo vi estas, sed viro vi estu !  
Vi estas el Adamidaro, elportu  
Ĉi kion ĝi devas kaj povas elporti !

ĴAFETO.

Jes, paĉjo ; sed kiam ni solaj naĝados  
Sur onda solaĵo, kaj ĝia profundo



Surkovros la Teron amatan kaj karajn  
Amikojn kaj fratojn, ve, kiu do el ni  
Sin povos deteni je larmoj kaj ĝemoj !  
Ĉu povus ni trovi trankvilan ripozon  
Sur tombo silenta de Homoj mortintaj ?  
Ho Dio, Vi montru Vin Di' indulgema !  
Nun tia Vi povas ankoraŭ Vin montri !  
Sed ne renovigu Adaman mizeron !  
Homar', jam, konsistis el du kreitaĵoj !  
Hodiaŭ, ĝi estas anaro samnombra  
Kiele ondaroj, pluvgutoj mortigaj  
Per kiuj kovriĝos la tombo de idoj  
Kainaj, se ili nur trovos tombejon !

NOO.

Silentu ! Malsaĝa ! Ĉar krimo en ĉiu  
El viaj paroloj !... Kaj vi, Ĉefanĝelo,  
Pardonu lin junan, ĉar li malesperas !

RAFAELO.

Serafoj ! Ĉi homoj pasie parolas !  
Vi, kiuj nun estas, aŭ devus nun esti  
Senpekaj kaj eĉ senpasiaj, revenu  
Kun mi !...

SAMIASO.

Ne ! Ĉi tio ne estos !... Ni certaj  
Pri nia elekt' !... Ni suferos !

RAFAELO (*al Azazielo*).

Ĉu same

Respondas vi ?

AZAZIELO.

Kion li diris, mi diras !



RAFAELO.

Vi ankaŭ !... Nu ! jam nun, vin Dio senigas  
Je tuta ĉiela potenc' !... Malamikoj  
De Via Kreinto, mi lasas vin !

ĴAFETO.

Kien,  
Ve, ili foriros ? Aŭskultu ! Aŭskultu !  
Jen sonoj mallaŭtaj... pli bruaj fariĝas,  
Forsiblas el fundo de l' Monto ! Nenia  
Ekmovo de l' vento ankoraŭ sentiĝas...  
Sed, tamen, jen ĉiuj folioj tremetas,  
Jen floroj defalas, jen Tero mem ĝemas ;  
Ĝi, kiel de peza ŝarĝeg' premegata !

NOO.

Aŭskultu ! Aŭskultu !... Jen mara birdaro  
Tremege pepias (1) ; ĝi kiel nubego  
Makulas nun sur la Ĉiel' duberuĝa,  
Ĉirkaŭflugadas la supron de l' Monto,  
Sur kiun neniuj el ili kuraĝis  
Rifuĝi eĉ dum plej timigaj ventegoj !  
Ĉi tiu altaĵo fariĝos la lasta  
Marbordo ! Kaj baldaŭ ĝi mem subakviĝos !...

ĴAFETO.

La Suno ! La Suno leviĝas ! Sed ne plu  
Kun sia kutima beleco ! Rondforma  
Nigraĵo, ĉirkaŭe de ĝia globego,  
Proklamas, ke pasis beltagoj de l' Tero !  
Kaj nuboj vidiĝas kun nokta mallumo,  
Krom tiuj je randoj ruĝkupraĵoj !

NOO.

Kaj vidu... Jen fulmo subite ekbrilas !

(1) *Pro ĝia laŭsona harmonieco, anstataŭ « pepadas ».*



Ĝi antaŭkuristo de l'Tondro!.. Ĝi venas!...  
Forkuru! Forkuru ni! Al Elementoj  
Forlasu ni kulpajn iliajn regatojn!  
Ni kuru al sankta ŝipego! Malfermos  
Ĝi sian ŝirmejon for mardangeregoj!

ĴAFETO.

Ho Paĉjo, vi haltu!.. Ho vi ne forlasu  
Nun Anjon karegan al ondoj mortigaj!

NOO.

Ne! Nepre ni devas al ili forlasi  
Ĉiaĵon vivantan!.. Ni iru!

ĴAFETO.

Ne!... Mi, ne!...

NOO.

Nu! Mortu kun ĉiuj restantaj! Ĉu povas  
Vi vidi ĉielajn minacojn, kaj serĉi  
Por sav' de estaĵo frapota de ĉio  
Montranta koleron de Justa Ĵehovo?

ĴAFETO.

Ĉu povas kuniĝi koler' kun Justeco?

NOO.

Malpia! Eĉ nun!.. Vi maltimas blasfemi!..

RAFAELO.

Ho vi Patriarko! Ho montru, ke patro  
Vi estas ankoraŭ! Dolĉiĝu! Ne mortos  
Tuj fil'; malsaĝul', li ne scias gravecon  
De siaj paroloj!.. Li tamen ne devos  
Perei sub ŝaŭmo de l'maro maldolĉa!  
Sed post kvietiĝo de lia pasio,  
Li, kiel vi, estos virtama, ne estos  
Perdita kun tiuj ĉi homaj filinoj,  
Nek kiel ĉi tiuj Estaĵoj Ĉielaj!

(*Noo foriras*).



SCENO XIV.

*La samaj, escepte NOO.*

AHO.

o -s, o Alproksimiĝas Fulmovent'akvego !  
Ĉiel' kaj Ter' detruos kune vivon !  
Ne povas kontraŭstari niaj fortoj  
Al la Potenc' Eterna !

SAMIASO

Niaj fortoj  
Alestos al vi ! Ni vin transflugigos  
Ĝis ia astro malproksima, kie  
Vi partoprenos nian sorton ; kaj se  
Vi ne sopiros pri la Tero, baldaŭ  
Forgesos ni Ĉielon ĵus perditan !

ANJO.

Tendar' de paĉjo kara ! Lok' de mia  
Naskiĝo, montoj, valoj, arbaretoj,  
Vi detruigos !.. Kiu min konsolos ?

AZAZIELO.

L'anĝelo, via edzo !.. Vi ne timu !  
Ĉar, kvankam elpelitaj el Ĉielo,  
Ni estras sur aliaj rifugejoj,

RAFAELO.

Ribela ! Vi malpie ĵus parolis !  
De nun, vi malgrandiĝis en Potenco !  
La fajra glavo, kiu jam forpelis  
L'unuan homon el la Paradizo,  
Rebrilas en la man' de Ĉefanĝelo !



AZAZIELO.

Neniel povas tiu nin atingi !  
Minacu pri la morto Terpolvaĵon,  
Parolu pri armiloj al malfortaj  
Mortuloj, kiujn vundus tiaj batoj !  
Sed kiel glavoj trafus Senmortulojn ?

RAFAELO.

Jen estas la momento, kiam vian  
Fortecon vi elprovos, kaj vi fine  
Ekscios kiom vanta estas ĉia  
Ribelo kontraŭ Vol' de Via Dio !  
Sur kredo nur starigis via Forto !..

(*Mortemuloj eniras, forkuras, serĉante rifuĝejojn*).

## SCENO XV.

*La samaj, ĤORO.*

ĤORO DE MORTEMULOJ.

U - U<sup>4</sup> Ĉielo kaj Tero malorde miksiĝas !  
Ho Dio ! Ho Dio ! Ve ! Kion ni faris ?  
Ho estu kompata por ni ! Nin aŭskultu !  
Eĉ en arbaregoj, bestaro vin preĝas !  
Drakono, rampante, sin ŝovas el nesto,  
*Alterneco* Kaj senarmigita de propra teruro,  
*kun U - U<sup>2</sup>* Kunestas kun homo !  
Kaj birdoj flugantaj vibrigas aeron  
Per krioj korŝiraj !  
Deturnu koleron, Ĥehovo, kompatu  
Al Mond' senkuraĝa !  
Vi kreis ĝin ! Ne nur homaro petegas,  
Sed tuta Naturo !



RAFAELO.

Adiaŭ ! Adiaŭ ! Ve al Teridar' ! Mi  
Ne povas, ne devas  
Vin helpi !.. Jen Dia Ordon' plenumiĝas !

*(Rafaelo foriras).*

## SCENO XVI.

*La samaj, escepte RAFAELO.*

ĴAFETO.

o -<sup>o</sup>, o Nubaroj malaltiĝas !.. Unuj kiel  
Vulturoj falas sur la akiraĵon,  
Aliaj superstaras kiel ŝtonoj,  
Ordonon novan jam nun atendente,  
Por ekverŝegi la venĝontajn ondojn !  
De nun la Firmamento plu ne estos  
Lazurkolora, kun brilegaj steloj !  
Anstataŭ Suno, ĵus leviĝis Morto !  
Terura, pala Lun' aeron regas !...

AZAZIELO.

Ho Anjo, venu ! Lasu tiun grandan  
Malliberejon, kien Elementoj  
Alkuras por refari la Ĥaoson !  
Flugiloj miaj tuj vin ŝirmos, kiel  
Aglidon ŝirmas tiuj de l'aglino !  
Ne miru, ke malord' renversas Teron !  
Ne aŭdu ĉi terurigantan bruon !  
En mond' pli brila ol ĉi tiu, vivon  
Aeran vi enspiros ! Estas lokoj  
Aliaj ol ĉi tiu nebulaĵo !..

*(Azazielo kaj Samiaso malaperas kun Anjo kaj Aholibamo.)*



SCENO XVII.

ĴAFETO.    UU - <sup>5</sup>, U

Jen do ili foriris, forkuris el bruo de Mondo  
Forlasita !.. Ĉu ili vivados... ĉu ili, ve, mortos  
Devigataj perej kun anoj aliaj de l'Tero,  
Ho !.. Neniam plu mia rigardo ripozos sur Anjo !..

SCENO XVIII.

ĤORO, ĴAFETO, UNU PATRINO.

ĤORO DE MORTEMULOJ.

U - U<sup>4</sup>    Ho Filo de Noo ! Kompatu al fratoj !  
Nu ?.. Kio ?.. Ĉu vi nin forlasos ?.. Vi trovos  
Ŝirmejon en via savonta Arkao !

UNU PATRINO (*prezentas sian infanon al Ĵafeto*).

Ĉi tiun infanon akceptu en ŝipon !  
Mi naskis lin en flankŝirantaj doloroj !  
Mi estis feliĉa lin premi sur brusto !  
Pro kio naskiĝis li ?.. Kion li faris ?  
Sur filon ne debrustigitan nun, kial  
Ĵehova kolero aŭ Lia forlaso ?...  
Ho ! kio troviĝas en lakt' de ĉi mamoj  
Igonta la Morton renversi Ĉielon  
Kaj Teron por frapi infanon... la mian !  
Kaj voki ondarojn sur tiun senkulpan ?..  
Ho savu lin, filo de Setho !.. aŭ estu  
Vi mem malbenita... kaj kune, Ĉi Dio  
Kreinta vin, ankaŭ la tutan idaron  
De Setho, maljuste amatan pli ol ni !..



ĴAFETO.

Silentu ! Ne hor' por malben' ... sed por preĝo !

ĤORO DE MORTEMULOJ.

Por preĝo ! Ĉu preĝoj altrafus Ĉielon ?  
Amasa nubeg' proksimiĝis je Monto,  
Ĝi miksas pluvegojn kun maraj ondegoj  
Superbordiĝintaj, superakvigantaj  
Eĉ en la dezertoj sablarajn supraĵojn !  
Malbeno al Tiu kreinta vin... vin kaj  
La patron ! Ve ! Niaj malbenoj senfruktaj !..  
Ni devas pereii !.. Sed ĉar ni pereos,  
Por kio ni preĝus kaj genufleksadus  
Al la Ĉiopova, al Li senkompata !  
Se Teron Li kreis, Li hontu pro tio,  
Ke Li ĝin difinis por la suferadoj !..  
Jen ili !.. Jen ili !.. Jen ondoj koleraĵ  
Per kies bruego la Mond' konsterniĝas !  
Jen superakviĝis arbaroj majestaj,  
Kaj verdaj ankoraŭ en la maljuneco !  
Ĉi arboj el Ter' elkreskigis unuajn  
Branĉaĵojn de kiuj Edeno ombrigiĝis  
Pli frue ol Ev' al Adamo alportas,  
Kiele dotaĵo, la donon de l'Scio ;  
Pli frue eĉ, ol mem Adamo ekkantas  
La himnon unuan de sia sklaveco !  
Ilian floraron detruis la maro  
Superakviganta montarojn plej altajn !  
Jen, sur nin senpovajn Ĉiel' malaltiĝas !  
Ĝi tuŝas maregon, kaj Dion Mem kaŝas  
Al niaj rigardoj petantaj por helpo !  
Forkuru, ho filo de Noo, forkuru  
En ŝipon, sur maro retrovu la pacon !  
Vi vidos surflosi malvivajn korpaĵojn  
De viaj amikoj dum via juneco !  
Kaj tiam, per kantoj, redanku Ĵehovon !..



## SCENO XIX.

HORO, ĴAFETO, UNU VIRINO.

UNU MORTEMA

*Alterneco*      Feliĉaj, kiuj mortas en Sinjoro !  
*de u - <sup>5</sup>, u*      Ho kvankam marego surkovras la Teron  
*kun u - u<sup>4</sup>*      Adoru ni, obeu Lian Volon !  
Li faris nin vivajn, Li prenas Siaĵon !  
Se estus forprenota mia vivo,  
Se mia malforta elvoĉo ne devus  
Plu sin aŭdigi antaŭ Lia Trono,  
Mi benu Sinjoron pri la pasintaĵoj,  
Pri ĉio kio estas... Tempo... Spaco...  
Eterno... Viviĝo... Mortiĝo... pri ĉio  
Konata... kaj Senfino nekonata !  
Li kreis, Li povas detrui !.. Kaj mi, pro  
Elspiro senvalora de la vivo,  
Blasfemus kaj ĝemus !.. Ne !.. Kiel mi vivis  
Mi mortu, kun neŝanceblebla kredo,  
Eĉ kiam falegus la Tuta Mondaro !..

HORO DE MORTEMULOJ.    - u u<sup>5</sup>, - u

Kien ni kuros ? Ĉu sur la altaĵojn de grandaj montaroj !  
Ne !... Ĉar de ili, jen akvoplenegaj torentoj bruege  
Sin deverŝegas renkonten al la Oceano, ĝi kiu  
Jam altaĵetojn surkovras, kaj muĝas en ĉiuj kavernoj !

UNU VIRINO (*enirante*).

*u - u<sup>4</sup>*      Ho savu ! Min savu ! Jam nia valetto  
Ne estas plu ! Oni ne vidas plu patron,  
Nek fratojn, nek tendon, nek brutojn iliajn !...  
Jam arboj, ombrejoj dum la tagovarmo,  
Ŝirmejoj al birdoj dum ĉarmaj vesperaj



Kantadoj... jam la rivereto malvarma  
Kaj verdaj paŝtejoj kuŝantaj sur bordoj...  
Jen ĉio jam nun malaperis !.. Hodiaŭ  
Matene, paŝanta sur flankoj de l' Monto,  
Mi ame rigardis sur tiun sidejon....  
Dang'er' ne minacis eĉ unu folion....

u - u, - u<sup>2</sup>      Nun ĉio subakviĝas !  
u - u<sup>3</sup>      Pro kio mi estas kreita ?

ĴAFETO.

u - u<sup>4</sup>      Por morti ! Por morti dum via juneco !  
Pli ĝoja pro tiu ĉi sorto ol vidi  
Tombegon de l' Mondo, pri kiu senfrukte  
Mi nepre plorados ! Pro kio mi devas  
Postvivi nun, kiam, ve, ĉiuj pereas !

*(Marego kreskadas. — Homoj forkuras ĉiuslanken ; kelkajn atingas ondoj. — Ĥoro de Mortemuloj diskuras. Ili serĉas savon sur montojn.*

*Ĵafeto staras sur ŝtonego. — El la malproksimo, la Arkao alnaĝas al li.)*

FINO





















